



An Bhruiséil, 20 Meitheamh 2017
(OR. en)

10467/17

FIN 391
AGRI 344
AGRIFIN 61
AGRISTR 51

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	6812/17
Ábhar:	Tuarascáil Speisialta Uimh. 26/2016 ó Chúirt Iniúchóirí na hEorpa dar teideal: "Making cross-compliance more effective and achieving simplification remains challenging" - Conclúidí ón gComhairle (20 Meitheamh 2017)

Gheobhaidh na toscaireachtaí san Iarscríbhinn na conclúidí ón gComhairle maidir le:

Tuarascáil Speisialta Uimh. 26/2016 ó Chúirt Iniúchóirí na hEorpa dar teideal: "Making cross-compliance more effective and achieving simplification remains challenging"

a ghlac an Chomhairle ag an 3552ú cruinniú a bhí aici ar an 20 Meitheamh 2017.

Conclúidí ón gComhairle

**maidir le Tuarascáil Speisialta Uimh. 26/2016 ó Chúirt Iniúchóirí na hEorpa
dar teideal: "Making cross-compliance more effective and achieving simplification
remains challenging"**

MAIDIR LE COMHAIRLE AN AONTAIS EORPAIGH:

- (1) IS DÍOL SÁSAIMH DI an Tuarascáil Speisialta 26/2016 ón gCúirt maidir le traschomhlíonadh;
- (2) TUGANN SÍ DÁ hAIRE moltaí na Cúirte, atá dírithe ar an gCoimisiún, agus TUGANN SÍ DÁ hAIRE FREISIN freagraí an Choimisiúin ar na moltaí sin;
- (3) IARRANN SÍ ar an gCoimisiún, agus é ag féachaint do mholtaí na Cúirte, cuntas cuí a thabhairt ar na saincheistean seo a leanas:
 - simpliú foriomlán a dhéanamh ar an gcóras bainistithe agus rialaithe traschomhlíonta don chomhbheartas talmhaíochta (CBT) tar éis 2020;
 - cúiseanna le sáruithe a bhaineann le traschomhlíonadh a aithint agus anailís a dhéanamh orthu;
 - rialacha i ndáil le seiceálacha riosca-bhunaithe agus seiceálacha ar an láthair ar rialacha traschomhlíonta a oiriúnú;
 - gur ann do cheanglais maidir le glasú agus do chaighdeáin maidir le dea-riocht talmhaíochta agus comhshaoil (i.e. na caighdeáin DTC) agus nach mór iad a shimpliú;
 - riachtanais na riarthóirí le cúnamh oibríochtúil leordhóthanach a aithint chomh maith le costais riaracháin agus an t-ualach a bhaineann le traschomhlíonadh a chur chun feidhme a laghdú;

- comhréireacht i dtaca le laghduithe traschomhlíonta, neamhchomhlíontaí beaga gan smachtbhannaí agus luathrabhaidh i gcásanna d'earráidí beaga neamhbheartaithe;
 - pionóis i ndáil le neamhchomhlíonadh a chur i bhfeidhm go comhchuibhithe trí shoiléiriú a dhéanamh ar na critéir a bhaineann le neamhchomhlíonadh a mheas, ar raon feidhme na rialuithe agus oibríochtaí ábhartha tuairiscithe, lena n-áirítear na critéir nach gcumhdaítear sa reachtaíocht traschomhlíonta (Iarscríbhinn II de Rialachán 1306/2013);
 - na córais rialaithe agus smachtbhannaí dúbailte don ghlasú agus don traschomhlíonadh agus an riosca a bhaineann le tuilleadh ualaí agus neamhéifeachtúlachta;
- (4) MEASANN SÍ gur ceart díriú ar an traschomhlíonadh go ginearálta i gcomhthéacs an phlé maidir le CBT tar éis 2020, lena n-áirítear na moltaí a rinne an Chúirt ina Tuarascáil Speisialta maidir le traschomhlíonadh, agus aird chuí a thabhairt ar chostais riaracháin agus ar ualaí riaracháin a laghdú.
-